

山西通志卷第一百七十九

山西巡撫都察院右副都御史臣覺羅石麟奉

旨修輯

辨證四

代州

山海經小咸之山敦水出焉梁渠之山修水出焉俱東流注

於雁門北水行五百里至雁門大澤方百里在雁門北水經

注雁門水在直隸

山海經雁門之水出於雁門之山雁出其間在高柳北其山

重巒疊嶽霞舉雲高連山隱隱東出遼塞其水東南流逕

高柳縣故城北城在平城東南六七十里於代爲西北也

以地勢度之非今雁門

高誘淮南子註古之幽都在雁門以北

通典秦雁門郡今馬邑之南境雁門之北境皆是也漢靈帝時羌胡大擾定襄雲中等郡並流徙分散獻帝時省入冀州魏文帝復置并州自陘嶺以北並棄之今雁門郡及以北之地悉棄之

漢志太原郡廣武註河主賈屋山在北部都尉治莽曰信桓師古曰賈屋山卽史記所云趙襄子北登夏屋者雁門郡平城註東部都尉治莽曰平順後漢志廣武故屬太原有夏屋山

地形志雁門郡廣武註前漢屬太原後漢晉屬有東西二平原東夏州註延昌二年置領郡四徧城郡太和元年置領縣二廣武註前漢屬太原後漢晉屬雁門後

三城徧城 沒野註一漢屬朔方晉罷後復屬

周大象二年司徒于翼巡長城立亭障西自雁門東至碣石
隋志後周置肆州開皇五年改代州置總管府大業初府廢
雁門郡領雁門繁峙五臺崞靈邱五縣 唐置代州雁
門郡都督府 北有大同軍本大武軍調露元年曰神武
軍天授二年曰平狄軍大足元年復更名其西有天安軍
天寶十二載置又有代北軍永泰元年置 領縣五雁門
五臺 繁峙 崞 崞 唐林註本武延嗣聖元年析五臺

崞置唐景龍元年更名 宋景德二年廢唐林

宋雁門郡防禦置沿邊安撫司

金天會六年置震武軍節度使貞祐二年四月喬置西面經
略司八月罷領雁門五臺廣武繁峙等縣 元中統四年

併雁門縣入代州

通典雁門漢廣武縣故城在西南又有故平縣後漢末平城縣也

廣武故城在縣西北漢置屬雁門郡後魏移置上館城今廢一名古雁門城卽雁門故縣也隋避諱改雁門有東陁西陁二關元省平城廢縣在雁門縣城西南漢縣隸雁門郡

前漢書雁門郡註秦置勾注山在陰館莽曰填狄領縣十四首善無註莽曰陰館第五縣曰陰館註樓煩鄉景帝後三年置累頭山治水所出東至泉州入海莽曰富代後漢雁門郡領十四城首陰館註史記曰漢蘇意軍勾注應劭曰山險名也在縣爾雅入陵西踰雁門是也郭璞曰卽雁

門山合前後註叅之陰館在勾注樓煩間應在朔州馬邑之南管涔之北應州山亦其地云

按史記趙襄子滅代代卽今之蔚州及雁門關東北地皆是也今代州在雁門關內去蔚州二三百里

五臺縣

漢志慮虓注師古曰音盧夷

地形志永安郡驢夷注二漢屬太原曰慮虓晉罷太和十年復改永安中屬有思陽城驢夷城倉城代王神祠倉城今名白村

隋大業初改名五臺

慮虓城漢置縣屬太原郡晉時鐵佛劉武居新興慮虓之地張公城十六國時張平築

金貞祐四年升爲臺州有五臺山虓慮水

繁峙縣

漢志代郡鹵城註滹沱河東至參合入滹沱別過郡九行千三百四十里并州川從河東至文安入海過郡六行千三百七十里莽曰魯府 雁門郡繁峙註莽曰當要 太原郡獲人

後漢志雁門郡繁峙 鹵城故屬代郡

晉隆安二年二月魏主珪至自伐燕居繁峙宮尹耕曰必在盛樂或近盛樂地非今繁峙縣也按昭成帝什翼犍卽位於繁峙之北時或建宮且猗盧從劉琨求勾注陁北之地琨徙馬邑陰館樓煩繁峙崞五縣民於陁南更立城邑則漢之繁峙本在雁門關北也

地形志恒州繁峙郡天平二年置領縣二 崞山 繁峙註

二漢晉屬雁門後改屬

隋志後周廢繁峙郡縣開皇十八年復置縣有東魏武州及吐京齊新安三郡寄在城中後齊改爲北靈州尋廢有長城滹沱小派水唐山

舊唐志代州繁峙漢縣東魏置廓州又廢 漢雁門郡後人縣漢末荒廢晉改置繁峙縣周省隋復置 金貞祐二年升爲堅州隸太原路元因之

崞縣

古史考趙衰居原今原平縣

漢志太原郡原平 雁門郡崞註莽曰崞張

後漢志雁門郡崞 原平 疆陰

地形志肆州雁門郡原平註前漢屬太原後漢晉屬有陰館

城樓煩城廣武城龍淵神亞澤神 雁門郡註秦置光武

建武十五年罷二十七年復天興中屬司州太和十八年

屬領縣二 原平 廣武 恒州繁峙郡繁峙註二漢晉

屬雁門後改屬 廓州武定元年置治肆州數城界郭城

領郡三 廣安郡 永定郡 建安郡胥武定元年置

隋志後魏置石城縣東魏置廓州有廣安永定建安三郡寄

山城後齊廢郡改爲北顯州後周廢開皇十年改縣曰平

寇大業初改崞縣又有雲中城東魏僑置恒州尋廢有無

京山崞山土城山

通典漢樓煩郡波城在今 東

輿地要覽樓煩故城在今太原府崞縣東十五里太陽都

唐析五臺崞二縣置武

縣後改唐林後梁改白鹿晉改

武宋併入崞縣元升崞州

保德州

春秋時爲晉林濤塞後爲林胡儋林所據趙武靈王收復之
如淳曰襜褕在代地

趙世家趙北有林胡 匈奴傳晉北有林胡樓煩 保德州
唐宋皆爲嵐州地宋淳化四年置定羌軍景德元年改保
德軍金大定二十二年升爲州十一年置倚郭保德縣元
光元年六月升爲防禦

元憲宗七年廢縣至元二年省併隰州

河曲芭州在河套入本州

秦邊紀芭州在府谷縣南五里

三年又併岢嵐軍入焉四年割岢嵐隸管

州隰州仍來屬 舊芭州在保德州境黃河西北元置芭

州後省入保德

長城在州南偏橋村西抵黃河南接興縣八十里

明成化時移太原左右衛小馬兒官軍赴保德防禦正德間改隸石隰冀寧道冬撥冀寧官軍防禦

萬歷初偏關置保德倉保德州同監其收放 十六年冬撥八角利民官兵三百冬春更戍

保德界辨 據舊通志宋置保德軍尋立爲州管五里與西河麟府豐三州相爲表裏以控制夏人屬河東道元初隸府州卽陝西府谷縣至元間乃併隰芭二州入焉是元時之保德有河曲兼有河套直跨陝之北境不僅轄河以東也明改州爲縣後復改爲州隸太原府今改直隸州專轄河曲州西北境與府谷神木相直河界其中

河曲縣

宋火山軍本嵐州地太平興國七年以北山時有煙燔建爲軍治平四年置火山縣四年廢金大定二十二年升舊火山軍爲州後改隸州興定二年九月改隸嵐州四年徙治於黃河灘許父寨領河曲一縣縣置於貞元元年至元初州縣俱省入保德州明仍置河曲隸太原府今以河曲隸保德踞天橋之勝兼得火山隸州址焉

縣當河流曲處故曰河曲春秋文公十二年秦晉戰河曲乃在蒲坂雷首爲今永濟區河鎮地非此河曲也

解州

春秋僖公二十四年秦伯納公子重耳濟河圍令狐入桑泉取曰衰杜註桑泉在河東解縣西解縣東南有曰城又註解梁今河東解縣地

顏師古註解音蟹 章懷註解縣屬河東郡故城在今蒲州

桑泉縣東南 王符曰河東解邑有張城西張城

周赧王二十一年秦敗魏師於解

路史解唐叔後今河中臨晉東南故解城在桑泉之南虞鄉

東三十里

城猶屬解僖十五年解梁以後魏爲二鄉北解

臨以蚩尤體解名 集韻音

蟹謬

地形志北鄉郡北猗氏註太和十一年置有解城 按此所

謂有解城未盡解州治也如陝州河北郡所領北安邑南

安邑河北太陽四縣乃今解州所轄

舊唐志解隋虞鄉縣武德元年改爲解縣屬虞州蒲州別置

虞鄉縣貞觀十七年省解縣併入虞鄉二十二年復析置

解縣屬蒲州

宋解州領聞喜安邑二縣夏平芮屬陝州

金解州上刺史宋慶成軍防禦國初置解梁郡軍後廢爲刺
郡貞祐三年復升爲節鎮軍名寶昌興定四年徙治平陸
縣

元志州本唐蒲州之解縣五代漢乾祐中置解州宋屬京兆
府金升寶昌軍元至元四年併司候入解縣

舊志春秋時解爲解梁

卽晉獻公滅魏以其地爲解梁城是也

臨晉爲桑泉本

密邇相隣然各瓜分碁置至漢置解縣則合爲一迄魏晉
不改後魏太和間始置南解析臨晉爲北解縣岐而爲二
三門未鑿解地皆水號渤解水去多澤梁故曰解梁馬
淑援曰解本渤解去水名其地以此歌風觀澤猶想見古
意焉

解辨 按渤海別枝也泉水所歸也解東有鹽池當黃
河曲處有奧衍一區天產瑞花舊名海眼柳州所謂神液
陰漉孕靈富媪賚天下與海分功者此也馬淑援之說似
可味或曰解以蚩尤體解名或曰州治古有迎薰閣鹽池
內傳有舜彈琴處蓋取解阜之意自三門旣鑿水退多澤
梁故舊稱解梁後魏分南北解皆非今治隋大業九年乃
徙治於此後漢書河南尹有大解城注云左傳昭二十三
年師次於解杜預曰縣西南有大解小解此不可以論河
東也

安邑縣

蚩尤城鹽池東南二里山海經蚩尤作兵伐黃帝黃帝乃令
應龍攻之冀州之野應龍畜水蚩尤請風伯雨師縱大風

雨黃帝乃下天女曰魃而止遂殺蚩尤魃不得復上所居
不雨叔均言之帝置之赤水之北所欲逐之者今日神北
行必先除水道決通溝瀆蚩尤血化鹵

太康地理志舜都安邑之蒲坂

帝王世紀禹都安邑 夏本紀帝相出居商邱少康復歸安
邑

按東坡指掌圖夏后氏都在安邑其陽城爲禹避商均
之處非都也然亦非今之安邑縣也當在夏縣安邑之
間爲是

通典堯舜舊都今縣西有鳴條陌湯與夏戰於此 鳴條陌
見後漢郡國志

漢志蒲坂有河邱亭註云左傳文十二年秦晉戰河曲杜預

曰在縣南湯伐桀孔安國曰河曲之南

帝王世紀安邑縣西有鳴條陌湯戰昆吾亭左傳昆吾同日
亾地道記咸山在南

書序伊尹相湯升自陟遂戰於鳴條之野作湯誓夏師敗績
湯遂從之遂伐三朶俘厥寶玉誼伯仲伯作典寶湯歸自
夏至於大坰仲虺作誥湯既黜夏命復歸於亳作湯誥咎
單作明居蔡氏曰陟在河曲之陽鳴條在安邑之西三朶
國名今定陶其地也大坰卽榮澤在衛州界 咎單臣名
典寶明居二篇名皆亾三朶一說潞之三朶山也

通志安邑卽韓國也通鑑前編夏后禹踐位於韓 金履祥
曰按自唐虞以來都於冀州而冀自有牧非天子自治則
甸服之民跨河南北也羿距太康於河不得復返舊都故